

GENERAL

Director di BNA instala como Presidente di ACURIL



Den e siman di 5 te cu 11 di juni 2005 a tuma luga e di XXXV Conferencia di e asociacion di bibliotecanan den Caribe (ACURIL) na e isla di Martinique. E conferencia mes a tuma luga den “Kalenda Resort” na Trois-Ilets.

Biblioteca Nacional Aruba a wordo representa pa director di Biblioteca Nacional sra. Astrid Britten, sra. Monique Alberts y sr. Ronny Alders.

Durante di e clausura di e conferencia director di Biblioteca Nacional, sra. Astrid Britten, a keda instala como e Presidente di ACURIL pa e periodo 2005-2006. Astrid lo presidi e di XXXVI Conferencia di ACURIL cu lo tuma luga otro aña den e prestigioso Wyndham Aruba Resort Spa & Casino. E conferencia lo tuma luga di dia 28 di mei te cu 2 di juni 2006.